

Como-Bdé kiŋ tókhed kaíčhaḡe

Como-Bdé eyápi kiŋ dé tíŋskoya yaŋké kiŋ é k'a oúŋčhaḡe kiŋ é k'a ošbé kiŋ iyúha thogyé áye ičhín makhá kiŋ nathógye áye k'a nakún wičháštakan̄tu kiŋ yuthókečapi. Thoká ektá pteḡá tkhá óčib othún̄we kaŋyá ahíthipi ečhún̄han̄, waŋná bdé kiŋ sán̄m čístidan̄ éyaš šbé áye k'a haŋkéya 1872 ehán̄n, Como Regional Park eyápi kiŋ káḡapi.

Othókahe ektá


Hékta 10,000 waniyetu héhan̄, eháke čhaŋ'ówaŋča yaŋká héhan̄, Mnisótamakhóche kiŋ čháḡa-šiná waŋ makhíyuthapi núŋm-kinín iyóh̄datheya yaŋké. Uŋkhán̄ dená héčhetu ehán̄, Como-Bdé kiŋ kaíčhaḡe:



Čhaŋ'ówaŋča kiŋ etán̄ čháḡa-obdóthun̄ waŋ thán̄ka špahán̄ hiŋhpáye k'a



makhá-mahéd iyáye k'a




hehán̄n héd h'anhíya skán̄ áye.

Bdé kiŋ tókhedkhed óčib yuthókečapi kiŋ hé

1860 ehán̄n, bdeóhuta kiŋ opháya oŋ'án̄khoya ičhimani-thípi óta káḡapi ičhín Imnižaska etán̄han̄ wičhóta bdé kiŋ imáḡaḡaya wanyág-ahí.

1894 ehán̄n, mnióčhan̄ku waŋ očístiyedan̄ káḡapi k'a úŋ bdé núŋpa kiŋ ičhikhoyagyapi, čha hetán̄han̄ wáta ohná naphín̄ iyáza omán̄phiča.



1895 ehán̄n, bdé kiŋ yušbéya okápi ičhín okšan̄ pteḡá kiŋ yaŋké kiŋ čhín̄pi šni. Dé ithókab siháiyuthapi záptaŋ hehán̄yan̄ šbé k'a hehán̄ siháiyuthapi akézaptaŋ.

1905 ehán̄n, othún̄we-oíthan̄čhan̄ kiŋ "Como Lakeside Pavilion" eyápi kiŋ káḡapi. K'a 1992 ehán̄, akhé iyéčhaŋ káḡapi.

Ómakha k'eyá 1920 eyápi kiŋ ečhún̄han̄, bdé kiŋ naphín̄ éd'ed mní kiŋ khúd áya čha othún̄we-oíthan̄čhan̄ kiŋ mní iyátan̄khiyapi. Káš Cozy-Bdé kiŋ pús áye k'a 1925 ehán̄n, Como-Bdé kiŋ tukted okáŋmi waŋ wazíyata-wiyóh̄peyata čhoká yaŋké kiŋ hé, éd nathákapi k'a makhá íyožuyapi.



Español
Hmoob
Somaliyeed
ကဏ္ဍတိုက်
Dakhóta

